



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726 400;
fax. +387 33 726 423;
e – mail: info@voda.ba .

Broj: **30-471-14/17**
Datum: 17.07.2017. godine

Na osnovu članova 25., 70. i 72. stav (3) alineja c) Zakona o javnim nabavkama ("Službeni glasnik BiH", broj 39/14) i preporuke Komisije za provođenje postupka javne nabavke radova: "Sanacija brane i uređenje obala rijeke Sane u MZ Zgon-Crljeni, općina Ključ", donosim

O D L U K U

o poništenju Odluke o izboru najpovoljnijeg ponuđača i izboru najpovoljnijeg ponuđača za javnu nabavku radova „Sanacija brane i uređenje obala rijeke Sane u MZ Zgon-Crljeni, općina Ključ“

Član 1.

Poništava se Odluka o izboru najpovoljnijeg ponuđača za javnu nabavku radova: „Sanacija brane i uređenje obala rijeke Sane u MZ Zgon-Crljeni, općina Ključ“ broj: 30-471-11/17 od 10.07.2017. godine iz razloga što je najpovoljniji ponuđač PRIJEDORPUTEVI a.d. Prijedor povukao svoju ponudu, odnosno odbio potpisati ugovor u utvrđenom roku.

Član 2.

Kao najpovoljniji ponuđač za javnu nabavku radova: „Sanacija brane i uređenje obala rijeke Sane u MZ Zgon-Crljeni, općina Ključ“ bira se ponuđač **GANIĆ d.o.o. Sanski Most**, ul. Muse Ćazima Ćatića 13, 79260 Sanski Most, MBS: 1-2720-00, registrovan kod Općinskog suda u Bihaću, JIB: 4263120430004, sve **prema ponudi broj: 13-06-1/17 od 13.06.2017. godine**, za ponuđenu cijenu od **76.601,39 KM bez PDV-a**, odnosno **89.623,63 KM sa PDV-om**.

Član 3.

Ponuđač GANIĆ d.o.o. Sanski Most je obavezan dostaviti svu dokumentaciju traženu tenderskom dokumentacijom u roku od 10 dana računajući od dana zaprimanja ove Odluke od strane ugovornog organa.

Član 4.

Za izvršenje ove Odluke zadužuje se Sektor za realizaciju projekata Agencije za vodno područje rijeke Save, Sarajevo.

Član 5.

Ova odluka će se objaviti na web-stranici www.voda.ba, istovremeno s upućivanjem odluka ponuđačima koji su učestvovali u postupku javne nabavke, shodno članu 70. Stav (6) Zakona o javnim nabavkama.

Član 6.

Ova Odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 30-471-2/17 od 12.05.2017. godine. Javna nabavka je provedena putem otvorenog postupka. Procijenjena vrijednost nabavke bez PDV-a iznosi 85.000,00 KM. Obavještenje o nabavci broj: 1132-1-3-61-3-46/17 je poslato na objavu i objavljeno na portalu javnih nabavki dana 16.05.2017. godine.

Sa web portala „e-Nabavke“ www.ejn.gov.ba tendersku dokumentaciju su preuzeli sljedeći ponuđači:

1. BBS Europe d.o.o.
2. Ekapija d.o.o.
3. Ganić d.o.o.
4. Infostrim d.o.o.
5. Izgradnja Tojaga d.o.o.
6. Šimkomerc d.o.o.
7. Behić-Sanny-Boy d.o.o.
8. Divel d.o.o.
9. Sik tours d.o.o.
10. Struktura d.o.o.
11. Hrnčić Kop d.o.o.
12. Mujezinović d.o.o.
13. PrijedorPutevi a.d.

Na adresu Agencije su pristigle sljedeće ponude:

R. broj	PONUĐAČ	Cijena na (javnom) otvaranju KM (bez PDV-a)
1.	GANIĆ d.o.o. Sanski Most	76.601,39*
2.	HRNČIĆ KOP d.o.o. Ključ	78.067,57*
3.	PRIJEDORPUTEVI a.d. Prijedor	83.311,36*

Tenderskom dokumentacijom broj 30-471-3/17 definisano je da će se za predmetnu nabavku provesti e-Aukcija. E-Aukcija je provedena 19.06.2017. godine sa početkom u 10:00 sati.

Rang lista prihvatljivih ponuda prema kriteriju za izbor ponude prije provedene e-Aukcije:

R. broj	PONUĐAČ	Cijena na (javnom) otvaranju KM (bez PDV-a)
1.	GANIĆ d.o.o. Sanski Most	76.601,39*
2.	HRNČIĆ KOP d.o.o. Ključ	78.067,57*
3.	PRIJEDORPUTEVI a.d. Prijedor	83.311,36*

****Označava cijene na koje se primjenjuje preferencijalni tretman***

Rang lista prihvatljivih ponuda prema kriteriju za izbor ponude nakon provedene e-Aukcije:

R. broj	PONUĐAČ	Cijena nakon provedene e-Aukcije KM (bez PDV-a)
1.	HRNČIĆ KOP d.o.o. Ključ	31.000,00*
2.	PRIJEDORPUTEVI a.d. Prijedor	60.750,00*
3.	GANIĆ d.o.o. Sanski Most	76.601,39*

****Označava cijene na koje se primjenjuje preferencijalni tretman***

Komisija za nabavke je pristupila analizi ponuda, te konstatovala da je cijena ponuđača **HRNČIĆ KOP d.o.o. Ključ**, koja je nakon provedene e-aukcije iznosila **31.000,00 KM bez PDV-a** neprirodno niža u odnosu na ostale prihvatljive ponude.

U skladu sa članom 66 stav (1) ZJN-a, Ugovorni organ se dopisom broj 30-471-8/17 od 19.06.2017. godine obratio ponuđaču HRNČIĆ KOP d.o.o. Ključ Zahtjevom za pojašnjenje neprirodno niske cijene, zahtjevajući da ponuđač pismeno dostavi detaljne informacije o relevantnim sastavnim elementima ponude, uključujući elemente cijene, odnosno razloge ponuđene cijene po svakoj od komponenti.

Ponuđač HRNČIĆ KOP d.o.o. Ključ u svom obrazloženju broj HK-23/17 od 29.06.2017. godine **nije ponudio osnovano obrazloženje svoje ponude. Komisija je ponudu ponuđača HRNČIĆ KOP d.o.o. Ključ ocijenila kao neprihvatljivu.**

Rang lista prihvatljivih ponuda prema kriteriju za izbor ponude nakon provedene e-aukcije:

R. broj	PONUĐAČ	Cijena nakon provedene e-Aukcije KM (bez PDV-a)
1.	PRIJEDORPUTEVI a.d. Prijedor	60.750,00*
2.	GANIĆ d.o.o. Sanski Most	76.601,39*

****Označava cijene na koje se primjenjuje preferencijalni tretman***

Shodno rezultatima pregleda i ocijene ponuda i rang listi prihvatljivih ponuda donesena je Odluka o izboru najpovoljnijeg ponuđača broj 30-471-11/17 od 10.07.2017. godine kojom je ponuda ponuđača PRIJEDORPUTEVI a.d. Prijedor prihvaćena kao najpovoljnija.

Dopisom broj 03-345-1051/17 od 13.07.2017. godine, ponuđač PRIJEDORPUTEVI a.d. Prijedor je obavjestio Ugovorni organi da povlači svoju ponudu iz procedure dodjele Ugovora. Shodno navedenom, poništava se Odluka o izboru najpovoljnijeg ponuđača za javnu nabavku radova: „Sanacija brane i uređenje obala rijeke Sane u MZ Zgon-Crljeni, općina Ključ” broj 30-471-11/17 od 10.07.2017. godine i donosi se Odluka o izboru najpovoljnijeg ponuđača kojom će se ugovor dodijeliti drugorangiranom ponuđaču GANIĆ d.o.o. Sanski Most.

Na osnovu navedenog odlučeno je kao u dispozitivu.

PRAVNA POUKA:

Učesnik u postupku koji smatra da je ugovorni organ donošenjem ove Odluke prekršio jednu ili više odredbi Zakona o javnim nabavkama BiH ili podzakonskih akata može shodno članu 99. i članu 101. stav (1) tačka d) Zakona o javnim nabavkama BiH izjaviti žalbu ugovornom organu u roku od 10 (deset) dana od dana prijema Odluke o poništenju odluke o izboru najpovoljnijeg ponuđača. Žalba se podnosi u najmanje 3 primjerka „Agenciji za vodno područje rijeke Save“ Sarajevo. Žalilac je obavezan platiti naknadu za pokretanje žalbenog postupka u iznosu od 2.000,00 KM (član 108. stav (1) tačka c) Zakona o javnim nabavkama BiH).



DIREKTOR

Sejad Delić, dipl.inž.

Dostaviti:

- Ponuđačima
- Sektor 30
- a/a